

西湖文献集成

第


5

册

清代史志西湖文献专辑

主编 王国平

杭州出版社



主編 王國平

西湖文獻集成

第 5 冊

清代史志西湖文獻專輯

杭州出版社

圖書在版編目(CIP)數據

西湖文獻集成/王國平主編. —杭州:杭州出版社,
2004.10
ISBN 7-80633-716-4

I.西… II.王… III.湖泊—文史資料—杭州市
—彙編 IV.K928.43

中國版本圖書館 CIP 數據核字(2004)第 094732 號

西湖文獻集成

王國平 主編

本冊責編 肖尙兵
封面設計 阿 杰 趙 辛
出版發行 杭州出版社
社 址 杭州市曙光路133號
郵 編 310007 電話:0571-87997719
印 刷 杭州富春印務有限公司
開 本 880×1230 1/32
印 張 1200
字 數 18000 千
版 次 2004 年 10 月第 1 版 2004 年 10 月第 1 次印刷
書 號 ISBN 7-80633-716-4/K·63
定 價 3600.00 元(全三十冊)

版權所有 侵權必究

(如發現印裝質量問題,影響閱讀,請與本社發行部聯係調換)



西湖志卷之十四

祠宇一

域中名山大川必有神以主之西湖名勝甲天下
扶輿清淑之氣於是焉鍾其地靈則其神亦靈
蟾昭明固其所也是以寒泉秋菊配食水濱風馬
雲旗迎神江上式瞻廟貌有與湖山永爲奠麗者
矣志祠宇

孤山路

四賢祠

在孤山之陽

〔西湖遊覽志〕正德間郡守楊孟瑛



建祀唐刺史李公泌白公居易宋守蘇公軾處士

林公逋先是唐民懷白公之德即山之廣化寺以

祀公至宋益以蘇公林公名三賢堂

周紫芝醉三賢賦并序

館主人獨遊西湖短棹扁舟夷猶孤山之下夜既久而無聲月將曉而始出仰而望之弔三賢之遺踪張高風之遼邈叩舷而歌舉酒一酌而賦之歲元默之宵中今月既望而時秋鼓蘭舟之桂楫今採芙蓉於芳洲夜黯黯其未艾兮驂白鷺以夷猶儼望舒之始駕兮昇素魄於海陬整予冠而仰睇兮叩予舷乎中流望華祠於山阿兮眷三士之高標雖出處之異致兮亦分路以揚鑣維香山之忠正兮耿直節於中朝忤羣奸而見逐兮指新井以蒙嘲彼西蜀之老人兮抱素業於夔舉援斯文於未泯兮障俗學之瀾濤終一斥而不復兮病讒口之囂囂歲七周於海濱兮脫九死而歸故邱痛二

老之不遇兮越今昔而同儔豈鸞鴒之不可以爭
飛兮抑駕驥之難於並遊豈枘鑿之不可以相入
兮抑亦臭味之異於薰蕕棄珠璣而貫魚目兮斥
騷駢而駕罷牛笑蹄涔之沮洳兮轉龍驤之巨舟
獨高人之前知兮遂遐舉而莫招爰卜宅於茲山
兮侶麋鹿而友漁樵却鶴書而不受兮恐曉猿之
怒號草萋萋其春榮兮葉靡靡而秋凋閱四時而
不改其操兮孰謂山中之不可以久留抗高風而
配逸躅兮追兩軌以奚羞嗟予生之後時兮徒心
旆之搖搖瞻清揚於髣髴兮拜遺像之非遙聊舉
觴而一酌兮歌三疊而魂銷倘萬曆杭州府志紹
微詞之可格兮冀羈紲乎雲霄

興後廢府尹周淙徙寄水仙王廟廡後尹袁韶徙
建花塢元廉訪使徐琰祀於西湖書院明天順間
知府胡濬復建今處成化十八年修正德元年知

府楊孟瑛增李鄴侯再易今祠祀以春秋

楊孟瑛四賢祠

碑記孟瑛守杭郡三年於今屬邑仁和海寧淳以旱告事聞於朝得復開西湖孟瑛任其事還往孤山見三賢祠棟撓梁壞懼神之不棲而羞吏之不恭也竊惟逋仙風節山崇湖深名教攸係白文公蘇東坡皆杭賢守石函一封時洩時鍾葑洲既闢千頃一碧兩邑之田殘溝斷洫莫匪遺澤民到於今賴之堂廡弗飾盼蠻弗嚴何以格神明昭崇報耶又惟唐鄴侯李公泌亦嘗刺是州穿六井引湖波民始不食鹹苦雖功不在湖而以湖爲功與白公蘇公埒曷作新廟合而祀之更稱四賢神之靈人之情協順助信而杭民亦永有依歸矣乃具其事白於鎮守麥公劉公巡按車公程公張公暨藩臬諸公乃發帑鼎作之堂爲楹間者三梁棟旅楹悉以枿四隅之楹以石榱桷稱是門廡皆撤朽腐更用飭新漆丹堊黝甚麗以法斂剩材作思賢堂於祠西繚垣四周直湖啓門榜曰四賢且籍廢寺

田池六十畝俾守者共歲事仰惟三公治杭事有
美績人有遺愛率應祭法六井一湖才一事耳然
杭人祠文公必於孤山祠鄴侯必於湧金北城祠
東坡必於湖隄鎖瀾之橋豈政以時易易則不傳
愛與澤流流故終不可諼也今孤山之祠蓋以北
城湖橋旣廢故因文公之舊而合食於是至於推
祀逋仙則宋泰定即有之蓋義起也是役以三月
八日肇事閱六月訖功孟瑛率僚屬諸生釋奠祠
下賦迎送神詞二章禮成因敘作祠始末刻諸石
并書二辭遺杭人使歌以祀四君子云其辭曰西
山之瀦兮清且漣漪春橋煙柳兮秋風不腓誰汲
綆兮六井誰啟函兮上塘之陂緬三賢兮湖上招
逋仙兮遊嬉考鐘鼓兮鏗鏘望蕙蒿兮杳微擁雲
旗以來下見旌旌與裳衣敞新宮兮並坐慰吾民
兮永思孤山兮在水中央梅枝零落兮花有餘芳
眇逋仙兮何在侶三賢兮一堂抗朱綬兮韋布道
同歸兮行藏於以奠兮芹藻肅郡守兮自將瞻堂
廡兮少留委吏民兮耿光幸顧步兮容與覽新湖

之圖方千秋兮萬歲報事兮敢忘周紫芝孤山新作三賢祠詩兩公才力盡驂騑俱得東南第一州易濕青衫江上淚難禁白髮海邊秋此生名字依然到晚歲功名亦未收處士若無當日節更將何物配風流屠隆四賢祠詩謾謾青松落日懸磷磷白石枕清泉平巒窈窕初開地太守風流出牧年草色能侵游女襪荷花開傍釣魚船祇今寂寞湖邊宿一片鳬鷗下夕煙

國朝康熙中燬重建

名賢祠

在孤山之陽

錢塘縣志祀漢嚴光唐陸贄宋林

逋趙抃王十朋呂祖謙張九成楊簡明宋濂王琦

章懋陳選

范忠貞公祠

在孤山四賢祠左

錢塘縣志祀前浙江巡撫

忠貞范公公諱承謨字觀公順治壬辰進士以學士出爲浙江巡撫多惠政晉福建總督死耿逆之難浙人哀思祠祀名宦巡撫趙士麟准給錢塘學租銀八兩春秋有司致祭後公之子時崇總督浙閩重爲脩建於山麓別建亭奉公書勾留處扁額

懸之

李之粹范忠貞公祠記孤山之麓自林處士妻梅子鶴後至今數百餘載月冷梅荒憑弔

遺蹤者每有撫今追昔之感往范公以中丞撫浙時即其故址構亭補梅聿復舊觀慕先賢之芳躅續久廢之勝游繼奉

簡命督師七閩乃值孽藩倡亂肆虐忠貞浙人慕德興悲因立祠於放鶴亭側蓋亦羊公之墮淚碑矣余過致弔哀感橫生因而記之

古文昌祠

在四賢祠側

錢塘縣志舊稱古文昌祠明萬

曆間南贛巡撫邑人洪瞻祖重修內有董其昌書

紫府飛霞洞天額

國朝康熙年間兩江總督范承勲浙江布政使郎廷極

重建并祀關壯繆前爲魁星閣

敬一祠

在四賢祠側

錢塘縣志祀巡撫趙公士麟士麟

號玉峯雲南人康熙甲辰進士康熙甲子歲撫浙

兵輯民安開濬城河自江干至湖墅疏鑿皆通舟

楫往來便利民咸德之時講學湖濱及內擢即其

地建祠後并祀巡撫都御史張泰交泰交號洎谷
山西人康熙壬戌進士居官廉正不爲苛刻之行
亦難少犯其顏色卒於官少詹事邵遠平爲肖像
同奉於祠

關帝廟

在孤山之陽

錢塘縣志在孤山谷名照膽臺前

有三義閣後有清嘯亭舊貯玉印一文曰漢壽亭
侯印瓦紐相傳爲神故印又有石刻竹相傳爲神
筆以竹葉畫成詩字

謹按印白質黑章中有一穴似便於佩帶而設穴
中紋極細作紅色斑駁如錦一面刻漢壽亭侯印

一面刻帝諱至
今崇奉廟中

陸宣公祠

在孤山之陽

西湖遊覽志 祀唐忠宣公陸贄

祠乃中書舍人洪澄別墅後屬陸少保炳少保自
謂系出宣公創祠祀之規制弘敞臺榭之盛爲一

時冠萬曆杭州府志隆慶六年巡按御史謝廷傑
即宣公舊祠改祀漢嚴光以下十一人而徙公像

於祠前之恩綸閣顏其額曰西湖書院都御史陳

洪濛爲記

陳洪濛兩浙名賢祠碑記浙地衽海襟

江山川清蔚士之瓌奇瑰異者恒比比
焉其閒雅冲粹則如天台稽岫之盤旋浩瀚清醇
則如西湖鴈宕之明麗高詣遠致則如赤城天目

之隆絕深識淵造吞吐茹納則如禹穴之奧浙江之奇於是人爭標格戶有月旦莫不曰是文明之區君子之國也自昔兩浙名賢以德以功與春秋祀載在常典者亦畧備矣然皆角立鼎峙各崇於鄉顧未有包挾衆美撮其英標羣然俎豆於一堂者也隆慶壬申屬侍御豫章虬峰謝公來按茲壤東憲輯文仁經義緯百度旣飭禮教聿崇乃於觀風之暇詳覈省志尚論先哲於漢得一人焉曰嚴子陵光於唐得一人焉曰陸敬輿贊於宋得六人焉曰林君復逋曰趙閱道抃曰王龜齡十朋曰呂伯恭祖謙曰張子韶九成曰楊敬仲簡於皇明得四人焉曰宋景濂濂曰王文璉琦曰章德懋懋曰陳士賢選爰即西湖之陽宣公舊祠增立八筵等其世次而祀之不以爵舉者示崇德也標其姓字仍曰先生者示後學知所宗也祠有山田蕩若干有司領之歲時供祀不以煩民者欲其久也於是浙士之高節懿美表表在人者莫不萃於茲堂四方游士與鄉之搢紳大夫暨諸里中末學凡欲仰

止高山景行先哲咸於茲興矚焉侍御公之德美可書也已或曰是祠建於陸氏專祀宣公舊矣宣公以幃幄密謨力排興元之難英風義槩彪炳千古彼諸君子未必能過之也今侍御建議令彼諸賢從容來乘之何哉公曰不然是乃宣公之心也夫笙鏞合作而後黃鐘之韻始調朱綠並施而後黼黻之功斯備茲諸君子者與宣公同德比義即時代先後名位顯晦蓋洵乎宣公之流也以茲合享夫誰曰不宜且專祀宣公則僅爲陸氏祠並祀諸賢則爲公家祠矣爲陸氏祠孰與爲公家祠哉予故曰是乃宣公之心也或曰祀諸賢當矣如青田之劉寧海之方錢塘之于餘姚之孫精忠偉烈輝映天地顧不當祀耶公又曰不然夫祀有特祠有合祠此四君子者功在社稷道負綱常朝廷念其功勤則既有特祠祀之矣是非合祠所當及也議旣定杭守涂公淵以侍御公意來徵文於余余謂杭以西湖重湖之勝以是祠重祠今以諸名賢重微侍御公則欲重者特是湖耳今得公表章之

而浙之名賢咸昭揭在人耳目雖赫赫不可泯者固不繫祠之有無乃其風後學而佐聲教則增光於山川

多矣
天啓實錄五年八月奉旨私創書院盡行

拆毀惟陸贄祠堂着行改正仍歸陸氏子孫世守

國朝雍正九年總督

臣

李衛重修題曰以道事君改建

坊表題曰湖山增勝

李衛陸宣公祠記唐忠宣陸公之建祠於湖濱其來舊矣

明德陵時魏璫擅權怒清流之掎擊嗾言者奏毀天下書院是時公祠之瀕於毀者亦幾矣而卒以不廢爲幸余謂古今興廢之故存乎其人而豈以其祠也哉其人可廢雖愛我者莫能存其人不可廢雖強有力者勿能奪譬之景星慶雲人所共仰縱有纖塵不足爲其蔽也祥麟威鳳世所共珍縱有猛鷲不足爲其累也公處唐之中葉國步多艱人心渙散公本忠愛惻怛之誠入則奉謨猷於我

后出則播文告於多方挫強藩跋扈之威而使之
効忠納款拯百姓倒懸之厄而使之還定安集是
唐室之瀕危而再安皆公之左提而右挈迄今讀
奏議一編誠懇愷切洞中機宜不獨爲濟時之良
相實則千古之純臣雖與日月爭光可也余欣逢

明盛荷

九重

知遇之恩專閫兩浙者六載於茲矣自慚綆短汲
深無能爲理而國計民生諸大政幸賴

皇上

如天之仁如神之智指授周詳得以遵循龜勉邇
來民氣和樂萬物康阜凡庶司百職靡不甄陶於

聖天子

化育之中余雖無嘉謨之入告如公之萬一而
遭遇之隆較公爲獨幸焉茲值

詔修

先賢祠宇公之後裔敬謹董葺余於工竣之日扁
舟湖上徘徊堂牖瞻顧几筵不啻如覩星雲之湧

見麟鳳

之遊翔其足生人景慕者亦復何限夫豈
特崇一時肸蠭之具文而已耶雍正辛亥十月記

嘉澤廟

舊在寶石山
後移孤山下

咸化杭州府志號錢塘湖龍